

**KUMPUAN**  
RAM LEH HNAM  
HUMHALH

**YMA**

**AW**



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO. 10 31<sup>st</sup> Mar 2013

## Chhiatni fund-ah Rs 2,87,820.00 hmuh beisei laiin Rs 2,00,520.00 hmu tawh

*Chanmari West, 31<sup>st</sup> March:* Kumin chhung hian Chanmari West Branch YMA chuan chhiatni fund khawn dan tur ruahmanna a siam a, chuta tana hmuh tur a ruahman chu Rs 2,87,820.00 a ni a, hei hi Chanmari West vengchhung in tin atanga hmuh tum a ni. Chhiatni fund khawn dan tur hi Category A, B, C ah then a ni a, hei bakah hian vai inluah an awm chuan mi pakhat zel thawh tur ruahman a ni bawk.

Chhiatni fund khawn hi Section hravuitute kut a ni a, anni hian thahnemngai takin an khawn a, an thawhrimnaah Branch Committee chu a lawm hle a ni. Chhungkaw hrang hrangte thawh tur an chhungkaw milin ruahman a ni a, tichuan tuna an thawh tling khawm chu Rs 2,00,520.00 lai a ni tawh a, thawhtu chhungkaw tin chungah Branch YMA chuan lawmthu a sawi a ni.

Nikum chhung khan kan thlanmualah mi sawmli vel kan thlah liam a, hmun danga ruang chhuak nen chuan sawmruk dawn

lai kuang kan siam awm e. Kuminah hian mi sawm lai kan thlah liam leh tawh a, kum tawp a lo thlen meuh chuan kan inseng leh fe in a rinawm, chuvang chuan chhiatni fund hian min daih mawh hle a ni.

Hetiang hi kan dinhmun a nih avangin a khawntu Section ten thahnemngai thar leh ila, chhungkaw tin pawhin kan thawh tura YMA in min tuk chu pek tlak vat tum bawk ila a tha khawp ang. Tun thlenga chhiatni fund kan hmuh tawh dan kimchang chu hetiang hi a ni e.

### CHHIATNI FUND LUH DAN

Section	Beisei zat	Hmu tawh zat	%
Chawngbawla	₹ 58320	₹ 37420	64.1%
Khuangchera	₹ 58500	₹ 47300	80.8%
Neuva	₹ 42100	₹ 28500	67.6%
Taitesena	₹ 70700	₹ 57800	81.7%
Vanapa	₹ 58200	₹ 29500	50.6%
<b>TOTAL</b>	<b>₹ 287820</b>	<b>₹ 200520</b>	<b>69.6%</b>

### YMA inluah tur thlan fel an ni

Kum 2013 April atanga kum 2014 March thla thlenga Chanmari West Branch YMA in luau a tan heng mite thlan an ni.

: Pu Lalngaihawma te chhung

No.1 Tv Vaninmawia  
No.3 Pu Lalthanruma  
No.5 Pu Laltanpuia

1 Pu C.Lalnunmawia  
3 Pu Laltanpuia  
5 Pu Lalngaihawma Hnamte

No.2 Pu Lalchhandama  
No.4 Pu K.Vanlalhruaia

2 Pu Lalhriatpuia  
4 Pu C.Lalthlamuana  
6 Pu K.Lalrichhana

### Branch News

● Ni 2.4.2013 (Thawhleh) zan hian rokhawlhna a awm loh chuan Branch Executive Meeting koh tum a ni.

● Adviser Pu Lalrengpua Sailo, a fanu boral vanga Silchara hun engemawchen a awm hnuin dam takin a lo haw leh ta.

● Adviser Pu F.Zosanga khaw chhaklama zin pawh a lo haw leh ta.

● Adviser Pu A.Biaklawma chu a hna chelh mek Addl. DC atangin LAD Director hna chelh tura tih a nia, Branch YMA chuan duhsakna a hlanin a chhuang hle.

● Branch Executive Member Pu Lalrinliana Lungleia zin leh Pu RK Rozidinga Hnahthiala zin te dam takin an lo haw leh ta.

● Vengchhunga chhiattawk an awma ruang phurhnana lirthei thawh thintu mi tlawnmngai chungah Branch YMA in lawmthu a sawi.

● Vengchhunga in leh loneitute hnena Branch YMA in ngenna lehkha a sem/pekte ngai pawimawh turin an in chah nawn leh.

● YMA member pakhata Kumpuan Fund Rs 3 zela khawn tlingkhawm Rs 8727 chu Central YMA-ah thehluh a ni.

### HRIATTIRNA

Chanmari West Branch YMA bungrua, YMA buk (Information Centre) a awm, chhiat tawhnaa hman thin Sound System, Sawhchiar eina Plate leh thirfian, Table Fan leh thildangte chhiat tawk chhungte emaw Section hravuiten a dahna hmunah dah let leh thin tura gen leh hriattir kan ni e.



### TUNKARCHANGVAWN

Tin, vantirkoh chuan hmeichhiae chu a bia a, an hnenah, "nangni chuan hlau suh u, Isua, an khenbeh kha in zawng tih ka hria e. Hetah a awm tawh love; a sawi ang ngeiin a thawhleh tawh kha, Mat 28:5&6

**Editorial Board**

<b>Editor:</b>	R. Lalrinngheta	9862358337
<b>Joint Editor :</b>	Lalchhandama	9862358347
	J.Lalnangliana	9862399658
<b>News Editor :</b>	Thangkhuma	9862303135
	Lalchhuanmawia	9862580558
	K. Lalremluanga	9862119608
<b>Cir.Manager :</b>	Jacob Lalrinsanga	9612319779
<b>Production Manager :</b>	T. Ngurk huma	9436190843

**Branch Office Bearer**

<b>President</b>	C. Lalzarliana	9436142049
<b>Vice President</b>	T. Ngurk huma	9436190843
<b>Secretary</b>	Zairemmawia	9862385654
<b>Asst. Secretary</b>	RL. Thanhnuna	9436152760
<b>Treasurer</b>	R. Lalhmachhuana	9436151817
<b>Fin.Secretary</b>	K. Darthantluanga	9436196071
<b>Adviser-te :</b>	Pu F. Zosanga	9436142106
	Pu A. Biaklawma	9436363169
	Pu Lalrengpuia Sailo	9862075614

**Editorial :**

YMA tih kan lamrik rualin Tlawmngai Pawl tih hian a zui nghal zat zel. Eng nge tlawmngaihna chu? Tute nge tlawmngai tur chu? Eng hunah nge tlawmngaihna chu lantir tur? Engtianga tlawmngaih tur nge? tiin rilruah zawhna tam tak a lo lut thei awm e.

Kan veng chhungah YMA member kan ṭhahnen viau. Chutih laiin Tlawmngai Pawla tel kan ni tih inhre miah lo hi a zatve aia tam mah kan nih a rinawm. Kan tlawmngaihna a inchen lo ang bawkin kan tlawmngaih theina kawng pawh a in ang kher awm love. Mahse, eng kawng maha tlawmngaih tum ve lo hrim hrim, YMA member ni ve duh tlat si, a bik takin ṭhalai zingah kan la awm hi chu inenfiah deuh chu kan ngai lo maw?

Tlawmngaihna tih thu mal kan hriatfiah dan leh kan pawm dan hi a inchen lo viau ang. Tunlai mi, a tam zawk hi chuan kan hunawl neihah chauh mi dangte tana ke pen chhuah hi kan tum niin a lang. Tlawmngaihna dik tak chuan "Phut let nei miah lova, mahni hna ṭul leh tihtur pawimawh tak tak pawh kalsana, mi dangte tana tha leh zung senga inpekna" hi a kawk awm e.

Tunlai khawvel changkang zelah tlawmngaihna lantir theihna hun leh hmun kan nei tlem tial tial a, kan neih chhunah pawh kan thawk tlem hret hret zel niin a lang. Mitthi lumen, Khawhar in kal leh Thlanlaihte hi a langsar zual chu a ni ta mai awm e, hengah chauh tal hi chuan ṭan i la thar leh ang u. Mi dang tana Malsawmna nih hi kan Pathian duh zawng a ni tih pawh hriat a ṭha khawp mai.

**Article:****CHANMARI WEST HII!***C Lalzarliana*

Khawvelah hian veng dang, a hming ang reng reng hmuh tur leh hriat tur awm lo. Khawvel lehlam aṭang pawhin veng hming an ziah chuan he veng ngei maia rawn thleng thin Chanmari West hi, eng tiang taka enkawl tur nge ni ang tiin ka thlarau ka thlah thin.

Han hawi vel ila kawthler inpersan tak tak kan ni hlawm a, a ṭhen Vaivakawn lama lawi mai awm tak, a ṭhen lah Hunthar venga lawi mai awm tak, a ṭhen lah Protective Home lama lawi mai awm tak, a ṭhen lah Chanmari lama lawi mai awm takte Chanmari West-ah hian kan khawsa khawm lawi si a nih hi. Chuti chung chuan veng inlungrual tak, rikrum thila chhuah khawm a ngaih chang pawha inhuikhawm zung zung thin kan nih tehreng nen; tunah chuan eng kan ti zo ta nge? Kan inlungrualna chuan tlakhniam lam a pan zel mai si, ṭan kan lak tlan a va ngai ta ve le!

Changkan kan duh, changkang pawh kan changkang sawt khawp mai. Mahse, changkanna ngai a kan thil neihte hi mite tana hnawksakah kan chantir zo ta! Lirthei kan nei, kan duh ang angin kan dah leh ringawt zel a. Pathianin in leh lo min dinsakte hi mi dangte tana malsawmna ni lovin phurritah kan chantir ta mai em ni le? Kan inbiak hlatna khawlte hi sual tih nan em ni kan hman thin? Kan kawngpui ṭha neih ve chhunte hi bungraw dakhawm nan kan hmang zo mai dawn em ni? Tuihawk luankawrte lah chu ek thli luanna atan kan hmang zel mai bawk si.

Kei zawng hetia tih mai atan chuan Chanmari West hi ka phal thei mawlh lo. Ka ngaihtuah chhuah belh zel a, Damdawi zuartute hian anmahni hlawkna tur chauh ngaihtuah lovin, damlo te tan chauh an damdawi zavrhte i siam ang u.

hi hrall thin se, dam reng tan chuan hrall tawh lo se tih hi ka duhthusam a ni.

Kan veng chhunga kan kawngpui neihte hi lirthei leh mihring kal nan hmang ṭangkai ila, lirthei neitute'n kan lirthei hun nana (garage) hmang mai lovin, kan lirthei dahna hmun tur hi ngaihtuah hmasa ta zawk ila, kan kawngpui chu a lo nuam leh zual ang a, keimahni tan pawh a him zawk tur hi a nia leh. Kan thli, entir nan, ek thli (septic tank leh vawk in thli) leh tui chhiate hi mite tan a hnawksak thei tih hriain,a rim chhe thei tur zawnga luan raltir mai lovin, a pah dan tur leh a tih riral dan tur dik takin i kaltir thin ang u.

Ran kan vulh duh a nih pawhin, a enkawl dan leh enkawlna hmun tur mumal tak ngaihtuah hmasa thin ila. Kan ranvulh, ui leh arte hi mi dang tana hnawksak zawng leh harsatna siam lo tur zawnga kan enkawl a ṭha khawp mai. Kan in luahute tan pawha hrawn nuam takin khawsa ila, hlim tak leh lungmuang takin kan in luahute hi khawsaktir i tum ang u.

Heng kan sawi tak ang hian khawsa thei ta ila chuan chunglam pawh hian mal min sawm ang a, kan rama thil ṭhate hi Pathianin min pe ngei ang tih kei chu ka ring tlat a. Chuti a nih loh chuan chunglam anchhia hi kan dawng palh ang tih ka hlau thin. Hawh u, kan zavauin ṭangrual ila, Chanmari West hi veng nuam takah i siam ang u.

Phek 3-na

**Taitesena Section**

- Tun kar hun remchangah section comt koh tum a ni.
- An Treasurer Pu RK Rozidinga chu chhungkaw thil avangin Hnahthial lamah a thang mek.
- Section thiltihna hrang hrangah tha tak a hmantir thin a, an lawm hle.

**Neuva Section**

- Ni 30.3.2013 (Inrinni) khan nilengin sum tuak nan Blanket suin an hnatlang a, member thawk chhuakte chungah lawmthu an sawi
- Tun kar hun remchangah section comt koh tum a ni

**Chawngbawla Section**

- Ni 27.3.2013 (Nilaini) leh Ni 30.3.2013 (Inrinni) khan section sum tuak nan New horizon School thawmthat hnatlang an nei.
- Hnatlan nana phal tak motor hmantirtu Pu V Lianzinga te chhungkaw chungah an lawm hle.
- House number leh Name Plate nei lo section chhungah zawn mek a ni.
- Hun remchang hmasa berah section member-te tan intihhlimna hun buatsaih an tum.

**Vanapa Section**

- Ni 5.4.2013 (Ninga) zanah rokhawlha a awm loh chuan Comt neih tum a ni a, hruaitute hunawl lo insiam nise.
- An hruaitu Pu Lalfakawma te'n fapa thar an nei a, an lawmpui hle.
- An hruaitu NI Lalnunhlui Renthlei pa, Pu R Lalremsiama , New Life Hospital ICU-ah a awm mek chu a dam leh thuai an duhsak.
- YMA AW Copy 184 man ₹ 14720 Production Manager hnenah thehluh tawh a ni a, Copy 34 man la hmuh loh a nia a, la pe remchang lo te a ranglama pek tum theuh turin an ngen.

- Pu C Zonunsanga Br Comt member (T sect) chuan section Amplifier tharah chhinchiahna a thlawnin a siamsak a, a chungah an lawm hle.
- Pu C Liandanga, Aizawl Hospital-a zunkawng tha lo vanga awm chu dam taka a lo chhuah leh thuai an duhsak.
- An hruaitu Pu Lalthlangdika Good

**Section Report/ Vengchhung/ etc.**

Friday hmanga Saitual lama zin pawh damtakin a lo haw leh ta e.

- An hruaitu Tv Zohmingliana Tlau pawh a Pa damlohma avangin East Lungdar lamah a thang mek a, tluang taka a lo haw leh an beisei
- Section chhungah Side drain siam mek a nih avangin YMA chhang member hnatlang neih tur chu thulh rih a ni e.
- Chhiatni Fund ₹ 29500 chu Branch Fin.Secy-ah theh luh tawh a ni a. Bial 4,6 leh 7 atangin a la lut ve lo. Chhungtinte Chhiatni Fund ngai pawimawh tura an ngen rualin hruaitute pawh a rang lama khawnfel turin an inchah.

**Khuangchera Section**

- House Number Plate an siam tur chhungkuate chu tlwmngaia lo khul vek turin an innen.
- Central YMA Chanchinbu la duh an zawng thaleh a, copy 71 an hmu.
- Ni 29.3.2013 khan Central YMA-in helho rukbote lawmna Company peng, Hunthara a buatsaihah member kal zawng zawng chungah lawmthu an sawi.
- Blanket sukna man khawn zawk tawh a ni a, tlwmngaia Blabket lo suktir zawng zawnge chungah lawmthu an sawi.

**Pem**

- 1) Pu NK Dala te chhung member pa 6, Pi Tingvumi N-Sect Edenthalah.
- 2) Pu Sangzapianga te chhung member pa 7, Pi Samthangi in N-Sect. Hunthar vengah.
- 3) Tv David Lalhmangaiha, Pi Lalrinsangi in Ch-Sect. Chanmari-ah

**MHIP**

Puanthui zirtirtu (Instructress) lak thar a ni dawn a, a dil duh chuan paper-a dilna ziakin ni 3.4.2013 (Nilaini) ral hma ngeiin dilna hi President Pi Biakngheti hnenah theh luh theih a ni e.

**PLAYERS UNION**

Mizoram Volleyball Players' Union member ni turin Chanmari West veng chhunga volleyball khel tawhte leh la khel mekte tan membership fee ₹ 100 pein member a ni theih a, ni duh tan president Pu Laltlanmuana (Muantea, T section) leh Financial Secretary Pi Lalfakzuali (Mafaki, T section) hnenah eng lai pawhin a inpek theih.

31<sup>st</sup> Mar 2013

**Kan Then Tak**

Pu Darkhuma (kum-76) Pa hming-Bawkchhuaka (L), Nu hming-Chhingpui (L), Section-Neuva, Kohhran-Presbyterian. Pianpui unau 10 a nei. Kum 1967-ah Pi Zasangi nen an innei a, fanu 7 leh fapa 1 an nei. Pa taima tak a ni a, mistiri hnathawkin ei a zawng thin. Kum 1973 a malaria natna a vei avanga a damdawi eiin a ri hriatna lam a ti chhia a, a beng a ngawn phah. Kum 2011 atangin TB natnain a tlakbuak leh a. Ni 25.3.2013 (Thawhtan) zing dar 4:30-ah a boral.



Pu Andrew Biakmawia (kum-39) Pa hming- John Ralhnawlthanga (R Thanga), Nu h m i n g - I r e n e Lalngaki, Section-Taitesena, Kohhran-Roman Catholic. Pianpui unau 4 a nei. Fanu 1 leh fapa 3 a nei. Kum 2008 atangin Mizoram Home guards (Chawlhhmun)-ah Writer hna a thawk. Ni 27.3.2013 (Nilai) tlai dar 5:30-ah a boral

**HNAME LAM ZIR RUNPUI**

ZOFA Cultural Club-te chuan veng chhung mi, thalai (kum 15 chung lam) tan Mizo Hnam Lam zirna hun an buatsaih mek a, chun lama zir hman lo tan Ni 2.4.2013 (Thawhleh) atang hian zan lamah a zir theih dawn a, veng chhung mi a duh apiangte zir turin an sawm e. A hun - Ni 2.4.2013, Zan dar 7:00 A hmun - YMA Zawlruk

**YMA AW Man leh tawh dan**

Neuva	- ₹ 12640 (91.86%)
Vanapa	- ₹ 14720 (87.20%)
Khuangchera	- ₹ 11200 (62.78%)
Total	- 45.64%

Chawngbawla leh Taitesena Section atangin a la lut ve rih lo.

**VOLLEYBALL**

Ni 1.4.2013 (Thawhtan) tlai atangin dar 4:00pm-a tan thei turin second division player zawng zawnge Indoor Stadium-ah practice tan leh tura a ni a, kim taka kal turin player-te an ngen.

**C. ROZAMA & SONS**  
STEEL & ALLUMINUM TRADERS

**Deals in:**  
**Stainless Steel, Steel & Alluminium**  
**Chanmari Ramhlun Road, Aizawl**  
**Oppt. LC Sofa**

**VENG CHHUNG MITE  
DUHSAK BIK AN NI E.**

Ph. 0389 2342412 / 9436365889 /  
986204619 / 9436159313. (5-4)

Email : teteachhangte78@gmail.com

**ADMISSION**

Gov't Primary School, Chanmari West ah April ni 2, 2013 atangin admission a tih theih e. Nursery Class-ah English Medium-ah tih tan tur a ni. Hengte a hi free vek a ni ang.

- 1) Admission 2) Uniform  
3) Zirlaibu 4) Mid-Day Meal  
Sd/-  
Vanlathangi,  
Headmistress (9436365344) (2-2)

**NEWHORIZON SCHOOL OF EDUCATION**

**ADMISSION OPENED FOR CLASS I-XII**

**FREE ADMISSION FOR CLASS-I**

School iuh hun:

Class I-X (Hostel entry) - 9<sup>th</sup> April 2013

Class tan hun-10<sup>th</sup> April

Class XI & XII (Hostel entry) - 15<sup>th</sup> April

Class tan hun-16<sup>th</sup> April

Contact. (0389) 2346362,  
9436141868 (3-2)

**ADMISSION**

**Free Admission / Free Monthly Fee for Class X (MBSE Course)**

**Aizawl West Academy, Dawrpui Vengtarh.**

Class X tan Morning Class hawn mek a ni  
**Admission Fee: Free Regd.**

(₹100 ken tur)

**Monthly Fee : Free**

*Saturday apiangin subject 2 test tur a ni a, Test Fee a awm ang. Naupang ti tha tan kum tawpa lak turin stipend siam a ni ang*

*Class timing: 6:00AM - 8:15AM (X-XII)*

**Class XI-XII (Arts) admission hawn mek a ni bawk.** Admn/Monthly Fee chawi a ngai. Scholarship a awm.

(Education, Pol.Sc., PA, Geog, History, Sociology, Hindi, English, Mizo)

**Contact: 8974437446/9862365768** (2-2)

**ZOFA**

□ Ni 18.2.2013 atang khan naupang kum 14 hnuai lam tan Mizo Hnam Lam zirna hun an buatsaih a, naupang 50 velin Hnam Lam chi 4-Solakia, Sarlamkai, Chawnglaizawn leh Cheraw te an zir chhuak a. Ni 23.3.2013 (Inrinni) khan Lam zir kharna hun an nei a, he hun hi LPS Vision thla lain, hemi zan vek hian NEWS item ah tihchhuah a ni.

□ Ni 25.3.2013 (Thawhtan) atang khan naupang kum 15 chin chunglam tan Lam Zirna hun hi an siam leh a, Ni 2.4.2013 aṭang hian zan lamah an chhunzawm ang.

□ Ni 25.3.2013 (Thawhtan) zan khan All India Raio (Aizawl) ami turin Pipu Zai 4 an record. Hla record tura buaipuitu Pu VL Thakima chungah leh member hla record -tu zawng zawnge chungah lawmthu an sawi. Hla pali an record-ah hian ₹ 15,700 an hlawh.

□ Lam zir nana YMA Zawlbul leh Indoor Stadium hmantirtu Branch YMA leh Indoor Stadium Management Board te chungah an lawm hle.

**ADMISSION NOTICE**

Kum 2013 session atan Chanmari West High School-ah Class IX & X tan Ni 20.3.2013 alangin zing dar 9:30 to 12:00 tleng admission tih theih a ni a.

Admission fee ` 300/-

Sd/- Headmaster

9862367795 / 9862357822 (3-3)

**ADMISSION OPEN**

Nursery to Class -X Admission ti duh tan Office hun chhungan tih theih reng a ni.

**Springdale School  
Chanmari West, Aizawl**

Contact : 9862812084 (4-4)

  
**LODESTAR  
SCHOOL  
CHANMARI WEST,  
AIZAWL  
(Near Indoor Stadium)**

**2013 – 2014 session atan K.G – I admission englai pawhin school hour chhungin a tih theih reng e.**

**K.G – II atanga Class – VIII tan March ni 1 (Zirtawpni) atangin tih theih a ni bawk ang.**

**Contact : 9862711823 / 8974287909 / 8794576982** (4-4)

**CHHUANAWM**

All Mizoram Karate Association (AMKA) buatsaih, State Karate Championship, Ni 22.3.2013-a Electric veng Indoor Stadium-a neih zagh takah kan veng atangin heng mite hian lawmman an dawng.

- 1) Lallawmkimi (V-sect)Gold
- 2) Reuben Lalhmingmawia (V-sect) - Gold & Silver
- 3) Lalhmingmawia (V-sect)- Gold
- 4) K Lalhlimpuii (K-sect)-Silver
- 5) Lalkhawngaihi (V-sect)-Bronze
- 6) PC Lalremsiami (V-sect)-Bronze

**LUNGHLUROAD**

Kum 2013 chhung atan Lunglu Road Hruaitute:

Chairman	- Pu Lalrimtuia
V.Chairman	- Pu Lalthankuma Pu Lalthianghlima
Gen.Secy	- Pu K Pahlira
Asst.Secy	- Pu R Malsawma
Joint Secy	- Pu Zosanglura
Treasurer	- Pu H Lalṭanpuia - Pu Peter LT Mawia
Adviser-te	-
	1) Pu F Zosanga
	2) Pi Zamanthangi
	3) Pu Lalrammawia Khiangte

**Vawk Vulhtute Hriattirna**

□ Ni 27.3.2013 khan Local Council member-te leh Chanmari West Pig Producers' Cooperative Society Limited hrudaiuten tunlai Vawk hrileng chungchange harsatna sukiang turin Joint Meeting an nei a, Vengchhunga vawkvulhe Local Council thuchhuak lo ngaichang a, zawn turin an ngen.

□ Local Council te'n veng mipuite harsatna hria a, Vaccine leh Vawk damlo enkawlna tur AH & Vety Deptt a an dilpui chu lawmawm an ti hle.

□ Kan veng chhungah vawk hrileng a ziaawm theih nan vawksa thianghlim, hrisel ngei a ni tih hriat chian sa chauh lei turin veng mipuite an ngen.

□ Vawk talh, Vawksa zuarte vawk damlo sa vengchhunga zuar lo tur leh talh lo tura ngen an ni.

□ Pi Lalringiani, Retailer No.1 hnenah Wheat vai a duh apiang tan lei theihin a awm reng e.

**Awm thar**

Pu F Laltlanguala te chhung member pa 4, Khawzawl Zuchhip atangin Pu K Lalṭanpuia in, Ch-Section-ah.